

## **1. ŠTA JE M-ZONA?**

To je platforma koja pruža priliku mladima od 17-35 godina u BiH da naprave nešto korisno za sebe i svoju zajednicu, tj. da osmisle i realiziraju društveno inovativni projekat, unaprijede svoje profesionalne vještine, postanu hrabri lideri i na kraju pokrenu svoj društveni biznis koji će kreirati radna mjesta u BiH.

## **2. KOJU KORIST IMAM OD M-ZONE?**

M-zona pruža višestruke koristi: udruživanje sa drugim mladim ljudima koje zanimaju iste stvari, unapređenje vještina koje su važne za privatni i profesionalni život, finansijska sredstva za realizaciju vašeg društveno inovativnog projekta, mogućnost da svoju strast prema nečemu pretvoriš u posao, investicija za pokretanje društvenog biznisa i rješenje vlastite i zaposlenosti drugih, rad sa ekspertnim timom i još mnoge druge koje ćeš otkriti sam.

## **3. DA LI MOGU ZAPOSILITI SEBE I DRUGE LJUDE KROZ M-ZONU?**

Da, u M-zoni je moguće pokrenuti društveni biznis i tako riješiti pitanje svog i zaposlenja drugih ljudi.

## **4. AKO IMAM POSAO, DA LI MORAM DATI OTKAZ ULASKOM U M-ZONU?**

Naravno da ne. Vjerujemo da možeš rasporediti svoje vrijeme tako da uspiješ zadržati posao i uraditi dobre stvari za svoju zajednicu. U slučaju da dobiješ investiciju i pokreneš svoj društveni biznis kroz M-zonu, ti ćeš odlučiti na koji način ćeš rasporediti svoje vrijeme između vođenja vlastitog biznisa i zaposlenja.

## **5. ŠTA JE DRUŠTVENO INOVATIVNI PROJEKAT I SA KOJIM IZNOSOM MOZAIK PODRŽAVA PROJEKTE?**

To je projekat koji realizuje neformalna grupa i koji nudi novo i održivo rješenje za stari društveni problem, osnažuje ljude čiji problem rješava i to čini za opće dobro. Mozaik podržava projekte u iznosu od 1.000 KM do 3.000 KM, a tebe ćemo naučiti kako da isti iznos nađeš u svojoj zajednici.

## **6.GDJE JE MOGUĆE REALIZOVATI DRUŠTVENO INOVATIVAN PROJEKAT I U KOM VREMENSKOM PERIODU?**

Bilo gdje u BiH, od 1.7. do 15.9. 2017. godine.

## **7.DA LI MOJ DRUŠTVENO INOVATIVNI PROJEKAT MOŽE BITI PRVI KORAK KA RAZVOJU MOJE BIZNIS IDEJE?**

Da, naravno! Moguće je kroz društveno inovativni projekat početi razvijati svoju biznis ideju. Da bi neko dobio priliku da osnuje svoj društveni biznis kroz M-zonu najprije slijedi realizacija društveno inovativnog projekta čime se stiču preduvjeti za dobijanje investicije za pokretanje društvenog biznisa.

## **8.ŠTA JE DRUŠTVENI BIZNIS I SA KOJIM IZNOSOM MOZAIK PODRŽAVA BIZNISE?**

Društveni biznisi su biznisi! To su ekonomski održivi biznisi koji nastaju da zadovolje određenu društvenu potrebu ili riješe neki konkretan društveni problem. Društveni biznisi daju najmanje 51% svog profita na rješavanje društvenog problema zbog kog su osnovani. Ukupna finansijska i nefinansijska ulaganja tokom šestomjesečnog procesa inkubacije iznose oko 40.000 KM po biznisu.

## **9.ŠTA AKO NE USPIJEM?**

Ako ne uspiješ, ne gubiš ništa. Jer već naredne godine u martu, novi poziv za M-zonu će biti otvoren.

## **10.ŠTA AKO USPIJEM?**

Ako uspiješ u M-zoni postaćeš vlasnik društvenog biznisa koji prodaje robu ili uslugu proizvedene lokalno. Postaćeš i počasni član M-cluba društvenih poduzetnika i poduzetnica Fondacije Mozaik koji su uzor i nada drugim mladim ljudima u zemlji i koji će ti omogućiti internacionalna partnerstva i investicije za tvoj društveni biznis.